

electum contra hoc decretum in papam recipiat, nec illi ut papæ quoquo modo obediat, sub pena maledictionis æternæ et fautoris schismatis. Puniaturq; in hoc casu eligentes et electus, si cõsentiat, ac illi adhærentes, pœnis p hoc sacrum concilium ordinandis. Suspendit quoque dicta sancta synodus pro bono unionis ecclesiæ omnia iura positiua in concilijs generalibus edita, et ipsorum statuta, ordinationes, consuetudines et priuilegia quibuscunque cõcessa, et pœnas cõtra quoscunque editas, in quantum dicti decreti effectum impedire possunt quoquo modo.

¶ Quod electio Romani pontificis fiat modo & forma per concilium ordinandis, et quod concilium non dissoluatur, donec sit facta electio, & q ad hoc rex Romanorum det operam.

Sacrosancta generalis Cõstantiensis synodus, ut ecclesiæ sanctæ dei eo melius et syncrius prouideatur, statuit & ordinat, pronunciat & decernit, q proxima electio futuræ Romani pontificis fiat modo, forma, loco, tempore & materia p sacrum concilium ordinandis. Et q idem cõcilium possit & ualeat in futurum qualescunque personas, cuiuscunque status uel obedientiæ sint aut fuerint, ad electionem huiusmodi actiue et passiuæ, et alios quoscunque actus ecclesiasticos, et omnia alia opportuna, non obstantibus quibuscunque pcessibus, pœnis aut sententijs, habilitare, recipere, et deputare modo et forma quibus etiam uidebitur expedire. Quodq; sacrum cõcilium nõ dissoluatur, donec electio huiusmodi fuerit celebrata. Exhortans dicta sancta synodus inuictissimum principem dominum Romanorum et Hungariæ regem, pariter et requirens, quatenus tanquam pius ecclesiæ aduocatus et sacri concilij defensor et protector, omnem ad hoc operam efficaciter impèdat, et uerbo regio uelle facere hoc pronunciet, ac literas suæ maiestatis desuper fieri decernat.

al, promittat,

¶ Concilium omnia per Gregorium duodecimum in sua obedientia aliàs canonicè et rationabiliter gesta, approbat et ratificat.

¶ Sacrosancta generalis synodus Cõstantiensis & c. omnia & singula p illum dñm qui dicitur Gregoriū XII. in sua reali obediētia, apostolica autoritate mediate uel immediate, aliàs canonicè uel rationabiliter hucusq; gesta, facta, dispensata, ordinata, cõcessa et indulta, & etiam usq; ad tempus suæ notitiæ renunciatiōis p eo faciendā, quod tempus ultra mensem post huiusmodi renunciatiōem nolumus extendi, gerenda, faciendā, dispensanda, ordinanda, cõcedenda et indulgenda, ex certa scientia ratificat, et ex superabundanti cautela ad certitudinem boni approbat atque firmat, statuens & ordinans, q ex causa uel occasione schismatis uel cuiuscunque maculæ uel inhabilitatis ex eo prouenientium, non ualeant infringi, uel contra ea excipi, aut in dubium recitari, non obstantibus dispositionibus in cõtrarium facientibus quibuscunque.

¶ Decretum, q non reeligatur Gregorius, non esse factum ad ipsius Gregorij inhabilitatem.

Sacrosancta synodus generalis Cõstantiensis declarat, statutum seu ordinationem factam aliàs p istud sacrum concilium, in quo inter alia cauetur, q ille dñs qui dicitur in sua obedientia Gregorius duodecimus, nullo unq; tempore reeligat in papam, nõ fuisset factam ad ipsius dñi Gregorij inhabilitatem, tanq; nõ sit capax papatus, sed p bono pacis ecclesiæ, et futuris scandalis, scrupulis & suspicionibus euitandis.

¶ Concilium reseruat, et se facturum declarat, q prouidebit, ubi duo uel plures in eodem titulo ex diuersis obedientijs concurrunt.

Item sacrosancta synodus Constantiensis reseruat, & se facturam declarat, ubi duo uel plures in eodem titulo ex diuersis obediētijs cõcurrunt, q sacrum cõcilium cum debita mansuetudine et rationabili æquitate, ita q una pars alia deterius nõ tractabitur, utriusq; obedientiæ honore quantum fieri poterit saluo, per se uel ad hoc specia liter deputandos, anteq; separabitur prouidebit modo et tempore opportunis.

Conci